

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 22. stavovima (2), (7) i (8) Pravilnika o uslovima i načinu ostvarivanja novčanih podrški po modelu ostalih vrsta podrški („Službene novine Federacije BiH“, broj: 24/20), na prijedlog Ministarstva za poljoprivredu, šumarstva i vodoprivredu, Vlada Zeničko-dobojskog kantona, na 57. sjednici, održanoj dana 21.05.2020. godine, d o n o s i

ODLUKU

o davanju saglasnosti na Sporazum o realizaciji programa poticanja proljetne sjetve

Član 1.

(Predmet)

Vlada Zeničko-dobojskog kantona daje saglasnost na Sporazum o realizaciji programa poticanja proljetne sjetve kojim se uređuju međusobni odnosi, nadležnosti, obaveze i visina podrške iz budžeta Federacije BiH, budžeta kantona i budžeta grada/općine za 2020. godinu radi realizacije programa poticanja proljetne sjetve za 2020. godinu, koji je sastavni dio ove odluke.

Član 2.

(Ovlaštenje za potpis)

Ovlašćuje se Mirnes Bašić, ministar poljoprivrede, šumarstva i vodoprivrede Zeničko-dobojskog kantona da potpiše Sporazum iz člana 1. ove odluke sa Federalnim ministarstvom poljoprivrede, vodoprivrede i šumarstva i jedinicama lokalne samouprave sa područja Zeničko-dobojskog kantona.

Član 3.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02- _____ /20

Datum, 21.05.2020. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Federalno ministarstvo poljoprivrede, vodoprivrede i

šumarstva, putem Ministarstva,

1x a/a.

Federalno ministarstvo poljoprivrede, vodoprivrede i šumarstva (u daljem tekstu: Ministarstvo), kojeg zastupa ministar mr.sci. Šemsudin Dedić

Ministarstvo za poljoprivredu, šumarstvo i vodoprivredu Zeničko-dobojskog kantona (u daljem tekstu: Kantonalno ministarstvo) kojeg zastupa ministar Mirnes Bašić i

Općina _____, ul. _____ (u daljem tekstu: Klijent) kojeg zastupa načelnik _____ zaključuju

S P O R A Z U M

o realizaciji programa poticanje proljetne sjetve

I. PREDMET SPORAZUMA

Član 1.

(1) Ovim Sporazumom uređuju se međusobni odnosi, nadležnosti, obaveze i visina podrške iz budžeta Federacije BiH, budžeta kantona i budžeta grada/općine za 2020. godinu radi realizacije programa poticanje proljetne sjetve.

(2) Cilj ovog Sporazuma je poticanje proljetne sjetve od strane Ministarstva, Kantonalnog ministarstva i Klijenta.

II. REALIZACIJA PROGRAMA

Član 2.

(1) Ministarstvo, Kantonalno ministarstvo i Klijent zajednički podržavaju proljetnu sjetvu kroz sufinansiranje nabavke:

sjemena,
mineralnog đubriva i
zaštitnih sredstava.

(2) Ukupna vrijednost Programa proljetne sjetve iz ovog Sporazuma iznosi _____ KM (70%), a u njegovoj realizaciji Ministarstvo učestvuje sa _____ KM, Kantonalno ministarstvo sa _____ KM i Klijent sa _____ KM sredstava.

Član 3.

(1) Klijent je podnio prijavu na Javni poziv Ministarstva broj: 01-04/2-549/2020 od 10.04.2020. godine na obrascu PSRP i dostavio traženu dokumentaciju za realizaciju programa poticanja proljetne sjetve sa preliminarnom listom korisnika sa svog područja za sufinansiranje troškove nabavke sjemena, mineralnih gnojiva i zaštitnih sredstava za proizvodnju, silažnog i merkantilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

(2) Na osnovu dostavljene dokumentacije iz Javnog poziva, a u skladu sa Pravilnikom o uslovima i načinu ostvarivanju novčane podrške po modelu ostalih vrsta podrške (u daljem tekstu: Pravilnik) Ministarstvo je izvršilo ocjenu osnovanosti zahtjeva, izvršilo obračun podrške i sačinilo ovaj Sporazum. Nakon potpisivanja ovog Sporazuma Ministarstvo donosi rješenje o odobravanju sredstava i ista doznačuje na račun Klijenta.

(3) Kantonalno ministarstvo na osnovu ovog Sporazuma doznačuje svoje učešće iz člana 2. stav (2) ovog Sporazuma na račun Klijenta.

(4) Klijent obavještava korisnike sa dostavljene preliminarne liste korisnika iz stava (1) ovog člana da dostave fakture, fiskalne račune odnosno druge dokaze o izvršenom plaćanju za repromaterijale iz stava (1) ovog člana.

(5) Klijent će na osnovu podataka iz prijave za podršku proljetnoj sjetvi iz stava (1) ovog člana, faktura, fiskalnih računa odnosno drugih dokaza o izvršenoj kupovini repromaterijala sačiniti Listu krajnjih korisnika programa i izvršiti obračun troškova proljetne sjetve za svakog krajnjeg korisnika, po potrebi izvršiti proporcionalno smanjenje u skladu sa raspoloživim sredstvima i donijeti akt o odobravanju i isplati sredstava.

(6) Klijent se obavezuje da svi krajnji korisnici programa poticanja proljetne sjetve budu upisani u RPG ili RK.

(7) Klijent je obavezan Ministarstvu dostaviti konačan izvještaj o o utrošku sredstava za realizaciji programa poticanja proljetne sjetve na području svoje općine/grada na obrascu ISRP koji se nalazi u prilogu Pravilnika sa kopijom prateće dokumentacije iz stava (4) ovog člana, a kopiju navedenog izvještaja je dužan dostaviti Kantonalnom ministarstvu.

Član 4.

(1) Maksimalan iznos novčane podrške koji Klijent može doznačiti krajnjem korisniku iznosi 1.000,00 KM.

(2) Kontrolu poticanja proljetne sjetve na terenu kod krajnjih korisnika vršit će Klijenti.

Član 5.

(1) U slučaju da Klijent u izvještaju o utrošku sredstava nije dostavio dokaz o utrošku cjelokupnog doznačenog iznosa obavezan je izvršiti povrat neutrošenih sredstava u budžet Federacije BiH i budžet kantona srazmjerno učešću iz člana 2 stav (2) ovog Sporazuma.

(2) Ministarstvo donosi rješenje o povratu sredstava podrške u slučajevima ako se utvrdi da:

- a) postoje nepravilnosti koje ujedno upućuju na sumnju u pokušaj prijevare,
- b) navodi iz Izjave klijenta iz obrasca PSRP u Pravilniku nisu tačni i
- c) klijent nije izvršio projektne aktivnosti iz ovog Sporazuma.

III. ZAVRŠNE ODREDBE

Član 6.

(1) Ovaj Sporazum zaključuje se za budžetsku 2020. godinu, a stupa na snagu danom potpisivanja.

(2) Sve što nije obuhvaćeno ovim Sporazumom primjenjivat će se relevantni propisi

Federacije BiH.

Član 7.

Sporazum je sačinjen u šest (6) istovjetna primjerka, od kojih svaka strana zadržava po dva primjerka.

**FEDERALNO MINISTARSTVO
POLJOPRIVREDE, VODOPRIVREDE I
ŠUMARSTVA**

mr.sci. Šemsudin Dedić

Broj:

Dana

OPĆINA

Broj:

Dana

**MINISTARSTVO ZA POLJOPRIVREDU,
ŠUMARSTVO I VODOPRIVREDU ZDK**

Mirnes Bašić

Broj:

Dana